

Шочмо эл, порылык да чын верч!

Будь готов!

24-ше (3568) №,
2022 ий 17 июнь,
кугарня.

Ямде лий



1933 ий 1 февраль годсек лектеш.

0+

«Пиалан ача улам»



Фотом еш архив Гыч, налме.

19 июнь –
Ачан тўнямбал
кечыже.


ПОДПИСКЕ

Пагалыме лудшына-влак,
2022 ийын кокымшо
пелыйжылан «Ямде лий»
газетлан возал-
таш вашкыза!

Индекс –
П4696.

Ак – 385 тенгеат 80 ыр.

Подпискым ыштыше-влак
коклаште **лотерей** модыш
эртаралтеш. Тидлан квитан-
цийын ко-
пийжым ре-
дакцияшке
колтыман.



Тўн приз – бассейн.

Ожно пörьен суртышто
оза лийын. Колым кучен,
сонарыш коштын, мланде
пашам ыштен, пум руэн...
Кызытат ешын тўн
энертышыже – пörьен, ача.

Лўддымө, пашаче, пенгы-
дын йодшо, тыгодым поро
кумылан да умылен моштышо
ача Ю.В.Охотников Оршанке
район Ёлып Лопсола ялыште
ила. Настя пелашыж дене вич
икшывым: Ярамырым, Рада-
ным, Назарым, Захарым,
Марусям – ончен куштат.
Нуным снимкыште уждыда.
Рвезе-влак ачан ик эн ўшанле

польшкалышыже улыт. Нуно
шудым пырля ямдылат, казам,
шорыкым, чывым, чывигым,
кўркам ончаш полшат. Юрий
Валерьевич – музыкант. Яра
жапыште йоча-влак дене
муралташ йоратат.

– Пörьен илыш корнышты-
жо пörтым чогышаш, пу-
шенгым шындышаш, йочам
ончен куштышаш. Шым ий
ончыч ола гыч ялыш илаш
куснымеке, чыла ыштен шук-
тенам. Кызыт вич икшыван
пиалан ача улам, – оила
Юрий Валерьевич.

Х.АЛЕКСАНДРОВА.

Рекламе.

Мосфильмыште – марий каратист

Звенигово район 2-шо номеран Красногорский школы тунемшыже Марта Сергеева (**снимкыште**) «Пятница» телеканалысе «Вундеркинды» передачыште карате дене мастарлыкшым ончыктен. Түрлө вер гыч погынышо лу вундеркинд дене мурызо, вудышо, актриссе Юлия Ковальчук ден тунямбал кукшытан куштызо Евгений Папунаишвили танасеныт. Вундеркинд-влак сенгышыш лектыныт.



Фотом интернет гыч налме.

– *Марта каратеш вич ияш гыч коштеш. Шем поясье уло. «Вундеркинды» передачым ончымеке, удиремым тушко колташ кумыл лектын. Кастингым эртымеке, икмыняр жап гыч мемнан деке йыңгыртеныт да Москошко ўжыныт. Съёмко Мосфильмыште эртаралтын, 31 майыште передаче лектын. Чапаныше ең, уста йоча-влак дене палыме лияш Мартаман моткоч келшен. Сеҥен налме пөлекше (телефон) ты передачым шарныкташ тўналеш, –* ойла ўдырын аваже Т.А.Сергеева.

Е.ИВАНОВА.

Увер

11 июньшто Чебоксарыште Российын түрлымö картшын презентацийже эртаралтын. Түрлымö картшын кугытшо – 3x6,7 метр. Нелытше – 50 килограмм. Тушто Российын кажне регионжым ончыктымо. Марий Элын картшым Звенигово район гыч кидмасатр-влак түрленыт. Картым ямдылымаште 200 кидмастар тыршен. **вышитая-картароссии.рф** сайтыште түрыс пашам ончаш лиеш.

Историйым шергалына

1855 ий 18 июньшто, Крым сар годым, руш салтак-влак Севастопольшын керылтше англо-француз войскам чактареныт. Тушман-шамыч ты олам 9 тылзе йыр авырымаште кученыт. Кок кече чарныде бомбитлыме деч вара керылтыныт, но руш войска Малахов курганыште пенгыдын шоген да 6 атакым чактарен.

Илыш шолеш

Йоча-влакын каникулышт тўналын гынат, школышто илыш шолеш. У Торъял школышто лагерь почылтын. Удыр-рвезе-шамычын телефон дене модаш жапышт йоршын уке. Нуно түрлө конкурсышто мастарлыкшым ончыктат, тагасымашлаште вийыштым тергат, усталык номерлам ямдылат, модышла дене модыт. Вожатый-влак нунын дене шуко онай темылан мутланат. Ик кечын квест-модыш эртаралтын (**снимкыште**). Тудо чылалан келшен.

Н.ЕГОШИНА.



Фотом школ архив гыч налме.

Российысе увер

3-18 ияш йоча да самырык-влак «**Разноцветные капли**» всероссийский сўрет конкурсыш ушнен кертыт. Карандашым, чиям але компьютер графикым кучылтын сўретлыме сўретым **30 сентябрь марте** колтыман. Тўрыс уверым **tuntuk.ru** сайтыште ончыман.

Российысе просвещенный министерстве 1 сентябрь гыч тунемме программыш «**Россия – моя история**» курсым кугурак класслазе ўдыр-рвезе-влак пурташ темла. Колледж ден техникумлаштат ты курсым тунемаш тўналыт.

«**Герои нашей страны**» всероссийский конкурс увертареныт. Кум еганеш командым чумырыза, келшыше тагасым ойырыза да шымлыме пашам **15 октябрь марте** колтыза. Тўрыс увер – **vsekonkursy.ru** сайтыште.

Марий Элысе увер

Йошкар-Оласе «**Ший Пампалче**» марий йомак тоштер куснылшо ончерым ямдылен. Тудо «**Марий йомак йолгорно**» проект почеш эртаралтеш. Ончерым түрлө районышто келыштарат.

Пугачёвын тумыжо «**Российын идалькысе пушенгыже – 2022**» лўмым налшаш верч тагасымашке ушнен. Тидлан **rosdrevo.ru** сайтыш пурен, **1 август марте** йўкым пуыман. Марий Элын тумыжо **37 номеран**.

Марий Элыште икымше сменяште **13716** йоча кана да тазалыкшым пенгыдемда. Нуным ола воктенысе **9** йоча лагерь да кечывалым каныме **171** лагерь иквереш чумыреныт.



22 июнь –
Ойганен
шарныме
кече.

Огеш мондалт

Пеш шучко уло мут
тўнаште,
Ме тудым сар, сўй маньна.
Война нигōмак ыш чамане,
Чылт уто лийын мыланна.

– Ах, эрык толын,
эрык толын!
Салтак тушманым
чактарен, –
Тыгай шомакым калык
колын,
Тынар чот тудо куанен.

Огеш мондалт салтакын
лўмжō,

Огеш мондалт
сай подвигшат.

Марий-влак
огытылыс лўдшō,

Тек нуным кажныже
шарна.

Мария ВАСИЛЬЕВА.
Волжский, Сотнур.

Нуным шарнаш маньн, ялыште шарныктышым шогалтеныт. Тушто кажне ийын Сенымаш кечын митинг, концерт эрталтыт. Тиде шарныктыш мыланна, самырык тукумлан, эре ушештара: «Нигō ок мондалт, нимо ок мондалт».

Морко район.

Кугезе кочам

Кугезе кочам Лаврентий Сидорович Аблинов 1903 ийыште Уржум уездысе Кораксола ялеш шочын. 1942 ий 20 январьыште сарыш каен. Тале кредалмаште нелын сусырген да пленыш логалын. Тушто индеш тылзе индыралтмеке, шылын куржын. Кугезе кочам Йошкар Шўдыр орден да «За победу над Германией» медаль дене палемдалтын. 1963 ийыште ўмыржō кўрылтын. Мый тудым эре шарнаш тўналам.

Элина АБЛИНОВА.
Кужэгер школ.

*Элнан сеналтдыме геройжо
Огеш йом мланде йымалан.*
М.КАЗАКОВ.

Сарын йўксавышыже

Звенигово район Нуктыж клубышто ик онай арвер аралалтеш. Тиде фугас авиабомбо корпусын ончыл ужашыже. Ты кўртнō оратан историйже Кугу Ачамланде сар дене чак кылдалтын. Провой кундемыште илыше ўдырамаш-влак сар годым Звенигово ола гыч Шолэгер станци-йыш тыгай корпусым черет



дене шупшыкте-ныт. Телымимне, эсогыл из-

дер дене шупшыкташ логалын. Издереш муш кандыра дене тореш-кутынъ пидын шындыме 100 килограмман яшлыкым шкетын шупшаш неле лийын. Вате-влак, икте-весе дене кутырен келшен, мужыр дене шупшыныт. Пам курыкыш миен шумеке, ўдырамаш-влак, погынен, черет дене издерыштым кўзыктеныт.

Совет калыкклан сар годым шуко неле-йōсым чыташыже логалын. Кажныже сенымашым лишемдаш полшен.

Е.ЮНУСОВА.

Курымеш шарнена

Кугу Ачамланде сар годым марий мланде гыч 142 тўжем утла ен тушман ваштареш кредалын. Нунын коклаште Коркатово кундем гычат салтак-влак лийыныт. Шукынжо шочмо суртыш пōртылын огытыл.

Полина АЛЕКСЕЕВА.



Екатерина КАШТАНОВАН
сўретше.

Йошкар-Оласе 4-ше номеран йоча сымыктыш школ.

**Туныктышо -
Е.С.Дмитриева.**

«Память поколений» поро кумылым

Акций

ончыктышо фонд «Шарнымаш сорта» всероссийский акцияым эртара. 15 июньышто тўгалын да 22 июнь марте шуйна.



Кажне кумылан ег деньпамяти.рф сайтыште виртуальный сортам чўктен кертеш. Мыняр шуқырак сортам чўктена, тыныс илышым арален кодышо-влакклан тунар шуко «таумутым» ойлена да нуным курымеш шарнымынам пенгыдемдена.

Вуйнам савена

Кугу Ачамланде сар ик ешымат сусыртыде коден огыл. Кō гын сōй пасуэш вуйжым пыштен, весе йол але кид деч посна кодын. Тылыште тыршыше-влаккланат шуко неле-йōсым чыташышт логалын. Нунат сенымашым лишемдаш полшеныт.

Мыйын кок кугезе кочам, Василий Николаевич ден

Павел Алексеевич Петухов-мыт, сар гыч пōртылын огыл. Тыныс илышым арален кодышаш верч вуйыштым пыштеныт. Ме нуным эре шарнена, нигунам огына мондо. Эрыкым, тыныслыкым арален кодымыштлан вуйнам савена.

Полина ПЕТУХОВА.
У Торъял, Кузнеч.





Түркүмү ылына

– Шылташ нимом, ялысе йоча-влакат рушла кутыраш тыршат. Марий йылмым йораташ, тудын акшым да вийжым шижаш сьлнымут полша. Кружокышто изи ойлывашым, йомакым, почеламутым во-заш тунемына. Верысе поэт-влакын сьлнымутыштым шергалына, наизусть тунемына. Марий калыкын ойпогыжо, эртыме корныж дене палыме лийына, – оила Лидия Аркадьевна.

Ўдыр-рвезе-влак мастарлыкыштым тергаш түрлө конкурсышко ушнат. «Моя марийская земля» почеламу-

Тунуктышышт гай уста лийнешт

Звенигово район Поянсола школышто поэзий шўлышан тунуктышо Л.А.Васильева пашам ышта. Сьлнымутым йоратымыжым ўдыр-рвезе-влакын чонышкышт шындара. Школышто «Мыйын шочмо верем» кружок уло. Тушто 1-2-шо класслаште тунемше-влак мастарлыкыштым таплат. Нунын коклаште эн чолгаже-влак – Валерия СУВОРОВА ден Вадим ЛЕБЕДЕВ (снимкыште).

тым сьлнын лудмо республикысе конкурсышто ойырте-малтыныт. Валерия «Сьлнымут алмаштыш» республикысе конкурсышто ойлывашыж дене сенышыш лектын, Вадим почеламутшо дене кокымшо лийын.

– Ме «Ямде лий» газетым да «Кече-Солнышко» журналым лудаш йоратена. Тушто шке таҥаш ўдыр-рвезе-влакын возымаштым куанен шергалына. Меат нунын сьмын сайын во-заш тўн-чалына манын шонена. Тунуктышына гай уста



лийнена, – оилат Валерия ден Вадим.

Х.АЛЕКСАНДРОВА.
Авторын фотожо.



Эн лишыл

Ямбатыр ялем мыланем пеш келша. Ял вуйыш-то памаш йога, ял покшелне кок пўя уло. Тораште огыл клуб, кевыт верланеныт. Мотор пўртўсым ончен, кумылем нўлтеш. Яндар южышто коштын, вий ешаралтеш. 2020 ийыште асфальт корным, тротуарым шареныт. Ынде ялна эшеат арун коеш. Тыште мыланем чылажат эн лишыл. Толза мемнан деке унала.

Антон АФАНАСЬЕВ.

Морко район.

*Кузе чонемже ялышке шупшеш,
Порылык памаш гыч вўд йўмем шуэш...*

В.РЕГЕЖ-ГОРОХОВ.

Писатель Г.Алексеевын илышыже да усталык корныж почеш тест.

1. Серызе могай ийыште шочын?

- А) 1949 ий. Б) 1955 ий.
- В) 1961 ий.

2. Шочмо ялже.

- А) Эгерсола.
- Б) Кожлаер.
- В) Кокласола.

3. Икымше кугурак произ-венийже.

- А) «Погонан рвезылык».
- Б) «Тулык чон».
- В) «Пўрт».

4. Тудын могай книгаже уло?

- А) «Поэзия – любимая подруга».
- Б) «Тулан жап».
- В) «Шочмо вер – чевер».

5. Икымше почеламутшо «Ямде лий» газетеш могай ийыште савыкталтын?

- А) 1969 ий. Б) 1971 ий.
- В) 1970 ий.

Иван ФЁДОРОВ.
Морко, Эгерсола.

Киндын акше

Тылат, йолташем,
чыла шонымем
Шем кинде ышталтме
нерген ойлынем
Да акше нерген
поро мутым лукнем,
Мый тудым аклаш
тыйымат тунуктем.
Пасушто лыг шурным
погат эр-кастен
Да пырчим вара йонгыштат
тўргыктен.
Ложаш гыч – руашыш,
конгаште кўктат,
Паша пешак неле,
шукын тудым ыштат.
Садлан кинде шерге,
кўлеш умылаш,
Эн тамле, эн тутло
лач тудо улмаш.
Огеш лий киндет –
лач тунам умылет,
Вара тудын акшым
тый шижын палет.
Эльвира АЛЕКСЕЕВА.
Марий Турек, Сардаял.



Ушан Карапучка



Тукым шолыым ден шў-жаремлан декоративный черепахым Шем тенгыз воктеч конденам. Карапучка лўмым пуэныт. Улыжат 4-5 сантиметран ыле. Лу тылзыште 2 сантиметрлан кушкын. Тудо ушан, онай да писе лийын. Карапучкам режим дене пукшат. Кочмо жапшым тудо сайын пала, сер воктеке толын, кокйола шогалын, аквариумым удыра. Арнялан ик гана эрыкыш луктыт. Посна кельштарыме верыште икмыняр минут «куржталыштеш».


Черепахым ончаш неле огыл. Икмыняр кангашым шотыш налын, йоча-влак, теат ончен кертыда. Ныл йолан йолташлан келшыше аквариумым ужалат. Тудо кўкшака серан, черепахе деч 3-5 пачаш кугурак лийшаш. Пундашышке тыгыде кўм, модыш пальмым але вес тўрлў шудым верандыман. Вўд леве лийшаш. Серым тичмашнек петырыман огыл. Тушко черепахе каналташ лектеш. Вўдым арнялан ик гана вашталтыман. Черепахым кечылан ик гана пукшыман. Кукшо кочкышым вўдыш пышташ лиеш. Тенданат ныл йолан йолташда Карапучка семын куандараш тўналеш манын ўшанем.

Настя ИВАНОВА.

Морко, Кугу Шале.

Фотом еш архив гыч налме.

Пырля сўретлена



Маркиз

Мемнан кок пырысна уло. Иктыже изи, весыже кугурак. Мо онайже: коктынат Маркиз лўман улыт. Иктыже – сиам урлык, канде шинчан, ош тўсан, мотор пырыс. Йолыштыжо да нерыштыже шем пале палдырна. Тудо шўр ден китикетым кочкаш пеш йората. Мотор улмыжлан кўра мыланем тиде Маркизше поснак келша. Весыжымат ўрдыжеш ом кодо. Эре миен ниялтем.

Дмитрий ЕГОРОВ.

Морко, Шўргыял.

поген, тамле ўйым, торыкым ышта. Шке ямдылыме кочкыш налме деч эре тамлырак. Дочка изи презым ыштен. Тудым чылан йоратена, йырже пўрдына. Кызыт Дочка пасушто нўргў шудым шер теммешкыже кочкеш да мемнам куандара.

Морко, Арын.

Дочка

Дочка ушкална – ешын поянлыкше. Тудо ошалгекўрен тўсан. Дочка шўрым шуко пуа. Авам, ўмбалым



Иван МИХАЙЛОВ.

Пырысемын – шочмо кече. Шыргыжеш моткочак кече. Пешак тудым йоратем, Тамле шўрым вел пукшем.

Маша ИВАНОВА.

У Торьял школ.

Тушто-влак

Вуйжо – шаньык, почшо – ўитервоштыр.

Мые пешак йоратем кешыр-ковыштам, Мыйын уло кок тўжем. Мо тыгай улам?

Шочмо кечылан – пўлек

Шочмо кечемлан Лаки пырысигым пўлекленыт. Тудо лум гай ош пуан. Шинчаже полдыш гай, нерже изи. Лаки моткоч писе, южгунам ўчызў. Шолыым дене коктын тудын дене модаш йоратена. Лакин малымверже уло. Модын нойымеке, пушкыдо вакшышкыже возеш да мален колта.


Лиана СКВОРЦОВА.

Кужэгер, Шўдымарий.



Фотом еш архив гыч налме.

Ялысе йоча тазарак



Начар иммунитетан улмылан, кылмы-мылан але вес амаллан көра йоча-влак чўчкыдын черланат. Нер йога, логар коршта... Чылажат икте-весе дене чак кылдалтын. Тўрлө чер шотышто йодыш-влаккан вашмутым муаш манын, Республикысе йоча клинический эмлымверыште пашам ыштыше оториноларинголог **Г.Е.РЫБАКОВ** (снимкыште) дене мутланышна.

– Григорий Евгеньевич, кө тыгай оториноларинголог? Тудо мом эмла?

– Тудым вес семынже лор маныт. Оториноларинголог пылыш, нер, логар дене кылдалтше чер-влакым эмла.

– Нер, логар, пылыш икте-весеышт дене кузе кылдалтыныт?

– Нуно моткоч чак кылдалтыныт. Садлан ик органже черлана гын, весыланат энгекым ышта.

– Ача-ава-влак икшывыштым мөңгыштө шке семынышт эмлат. Шке гыч эмлалташ лиеш?

– Йочам шке эмлаш ом темле. Мутлан, ОРЗ тўнагалеш гын, жапым шуйкалыде, педиатр дек вашкыман. Тудо оториноларинголог дек колта гын, лўдман огыл. Эмлымверыш иканаште каяш йөн уке – тўналгыш кечылаште нерышке, логарышке эмым

шыжыктыман. Температур уло гын, келшыше эм дене волтыман. Туге гынат врачым нигө дене от алмаште.

– Кугыең-шамыч «физкабинетым» мөңгыштышт почаш тўналыныт. Ингаляторым налын, нерым да логарым ырыктат. Тудо энгекым огеш ышты?

– Ингаляцийым врачын кўштымыж почеш веле ышташ лиеш, но мөңгыштө огыл. Шке эмлалтын, йочан тазалыкшылан кугу энгекым ышташ лиеш.

– Йоча-влак могай чер дене утларак черланат?

– Утларак вашлиялтше черлан аденоидым да кугемше миндалиным шотлаш лиеш. Уда экологий нине черлан писынрак шарлашыже йөнум ышта. Черын «пашажым писешташ» тўрлө вирус (грипп, ОРЗ) полшен кертеш. Ялыште да олаште илыше-влакым танастараш гын, ялысе икшыве-шамыч тазарак улыт. Нунын имму-

нитетыштат сайрак.

– Йоча малымыж годым нерым шупшеш гын, тургыжланаш амал уло?

– Икшыве нелын шўла, нерым шупшеш гын, тургыжланаш амал, чынжымак, уло. Тиде аденоидлан көра лийын кертеш. Кокла шот дене ончалмаште тыгай чер кум ияш годым тўнагалеш. Лу ияш икшыве-влакымат тургыжландарен кертеш. Аденоидым чактараш эм ок полшо гын, тудым корандыман. Тудо пылышлан энгекым ышта. Онылашлу шўрын кушкеш, пўй кадыр шочеш. Але йоча начар виянаш тўнагалеш.

– Ача-ава-влак икшывын пылышгышыжым мамык палычке дене корандат. Тыге ышташ лиеш мо?

– Йоча-шамычын пылыштыштым кузе эрыктыман?

– Мамык палычкым пылышым эрыкташ келыштарыме огыл. Тудо пылышгышым көргышкө веле шўка. Тыге тушто «лавыра» погына да пенгыдемеш. Лор врач гына пылышым мушкын, эмлыме арверже дене пылышгышым луктын кертеш. Йоча-влакын пылыш көргыштышт пургедман огыл. Пылышгоркам веле эплын ўштылман.

Х.АЛЕКСАНДРОВА мутланен.

19 июнь –
Медицине
пашаенын
кечыже.



Сылне пагыт куандара

Кенежым чот вучышым. Молан шонеда? Эң ондак – кужу каныш жап тўналын. Весе – йўштылаш чот йоратем. Ялна вокте-нак пўя уло. Тудо яндар. Ялысе калыккан тиде вер пеш келша. Кече чотырак ырыкта гын, вўдшө леве-леве лиеш. Тушеч лекметат ок шу. Туге гынат ача-авалан сурт кокласе сомылым ышташ полшыман.

Костя ГРИГОРЬЕВ.
Морко, Коркатово.



Тунемме идалык мучко сай отметке-влакым налшаш верч чот тыршышым. Ынде каналташат лиеш. Но шўкшудо мыйым ок вучо, кажне кечын нўлталтеш.

Садлан ковайлан пакчаште шўкшудым сомылаш полшем. Кочай кол кучаш пырля нангайынеже.

– Айда, уныкам, вўд воктеке каена. Ий мучко лушкышо нерветым пенгыдемдена, – ойла кочам.

Регина ЕГОРОВА.

Морко, Кўчыкэңер.

Кече утыр ырыкта,
Чуриемым чеверта.
Тудо мыйым йўрата
Да уремышке покта.

Кирилл КИРИЛЛОВ.

Кече пыл шентек ок вашке,
Леве мардеж пуалеш.
Мом тынар ончет окнашке?
Лек йолташ дек ваштареш.

Дима НИКИТИН.


1-ше №-ан Морко школ.

Походьш миенна

Тунемме ий мучашлалтын. Ме пырля тунемше йолташем-влак да туньктышына Алевтина Николаевна Рассолова дене походьшко миенна. Кельмаксола ялысе энгер деке тарваненна. Пүртүсшө могай мотор, вүдшө канде-канде. Класс вуйлатышына биологийым тунькта. Тудо мыланна шуко онайым каласкален. Пеленна кочкышым налынна. Пүртүс лонгаште тудо тутлырак чучын. Мөнгө куаныше, каныше пörтылынна. А те, йоча-влак, кенез каникулдам кузе тўнгалында?

Юля ЯГОДАРОВА.

Советский район.



Фотом еш архив гыч налме.

Сылне шөршудым погенна,
Сай вуйшүдышым ыштенна.
Ужыда, могай мотор?
Лишкырак, йолташ, тый тол.

И.АЛЕКСЕЕВА.

Йомак тўня

Йоча-влакын чот вучымо пагытышт толын шуын. Ынде пычкемыш марте модаш, куржталаш лиш. Шуко йоча пырля погына гын, жап эше веселанрак эрта. Икте-весым у модыш дене палдарена. Вүд воктене жапым пайдалын эртарыме шуэш. Чодыраште понтым, емыж-саскам погаш тўнгалына. Шочмо пүртүсым шымлена. Йоча илыш – йомак тўня. Тудым модын, воштылын, куанен да пайдалын эртарыман.

Егор БАСОВ.

Советский, Кукмарий.

Синквейн

Пеледыш
Сылне, чевер.
Кушкеш, пеледеш, куандара.
Пакчаште уло.
Кушкыл.
Злата МАКСИМОВА.
Морко, Энерсола.

21 июнь - Пеледышын
тўнямбал кечыже.

Кова уныкаж
деч йодеш:

– Миклай,
кузе шонет,
молан кеҗежым шокшо,
а тельым йїштө?


– Тельым чылан конгаш
олтат. Шокшо эркын-эркын
уремыш лектеш да кеҗеж
марте южым ырыктен
шукта.

– Молан туҗеже тельым
йїштө?

– Кеҗежым конгаш ниҗо
ок олто.



Йоча-влак, пеледыш-шамычын лўмыштым паледа?
Нуно марла кузе йонгат? Возыза.



Мотор пеледыш

Пакчаштем мотор пеледыш
Мыйым пеш куандара.
Астра, флокс да вес пеледыш
Тамле пуш ден шижтарат.

Тыгак уло пакчаштем
Тўрлө тўсан геранем.
Тыште, тушто, ончылнем
Тўрлө тўсан петунием.

Уло чон ден куанен,
Вүдым тушко мый шавем.
Кажне кечын, йывыртен,
Нуным веле эскерем.

Анна АНДРЕЕВА.

Куженер,
Тошто Йўледўр.



«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.ru

УЧРЕДИТЕЛЬ-ВЛАК: Мари
рий Эл Республикысе
культур, печать да калык-
влакын пашашт шотышто
министерстве, «Кугарня»
газет» кугыжаныш унитар-
ный казна предприятий.

Газетым редакцийште по-
гымо да верстатлыме, «Марий Эл Республикысе
Правительствын типографийже» ООО-што ямде оригинал-
макет гыч савыктыме. Типографийын адресше: 424000,
Йошкар-Ола, Комсомольский урем, 112.

Газетым Кыл, информационный тех-
нологий да массовый коммуникаций
сферым эскериме шотышто федераль-
ный службын Юл кундем федеральный
округысо управленийыштыже регис-
трироватлыме.
Номер – ПИ № ТУ52-01335,
2021 ий 29 сентябрьште пуымо.

0+

Печатьш пуымо жап –
14-00,
фактически – 13-00

Авторын да редакцийын шоньма-
шышт тўрлө лийын кертыт. Серыш-
влак мөнгеш огыт колталт.
Ак – кутырен келшыме почеш.

Редакцийын да издательнын адресше:
424006, Йошкар-Ола, СССР Вооруженный
Вийын 70-ше идалькше урем, 20-шо пöрт.
Тел. 8(8362) 45-22-82(факс)

Конкурс



Настя РАКОВА.
Озан ола.



Миша ВИНОГОРОВ.
Звенигово,
Кожласола.




Настя СОЛОВЬЕВА.
У Торъял,
Токтарсола.



Григорий ТОЙШЕВ.
Шернур,
Кукнур Купсола.

Модель улам

Сүретлен пытарыза.



Кельштарыза.



**Йоча-влак кенгеж каныш
годым мом ышташ йоратат
да кушто!**

Задаче

Кодшо ийын кенгеж лагерьыште 562 тунемше канен, а тений 490 йоча веле. Тений мыняр йоча лагерьыште каныде кодын?


Шотлыза.

$$\begin{array}{r} 48 \\ - 5 \\ \hline \end{array} \quad \begin{array}{r} 93 \\ - 50 \\ \hline \end{array}$$

**Кажне радамьште
могай арвер огеш
сите? Палыза.**



Шылтыме сүрет-влакым муза да чиялтыза.



«С» буква дене

«Сылнымут сескемыште» Светлана Семёновна сүретлаш савыра. Сергей Степанов, Степан Сергеев, Соня Семёнова сайын сүретлат. Сергей самырык салтакым, сойым сүретлыш. Степан ден Соня салтаклан серышым серышт. Светлана Семёновна сеньгышым Семык-лан сийла. Сүретлыза, серыза.

**«Русская словесность»
кружокын енге-влак.**

Волжский, Сотнур.

Интернетесе сүрет-влакым кучылтмо.